



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. IV. Utrum promulgatio sit necessaria, & essentialis legi?

[urn:nbn:de:hbz:466:1-78232](#)

DE LEGIBUS IN COMMUNI.

515

Dico tertio, potestatem condendi Canones & leges Ecclesiasticas, apud Summos Pontifices, & Concilia legitime congregata residere.

52 Prima pars patet ex illo Matth. 16. *Quodcumque ligaveris super terram &c.* Ubi Christus Dominus in mediatis per seipsum contulit D. Petro & ejus successoribus potestatem regendi Ecclesiam: Sed pricipium vinculum regiminis est lex: Ergo immediatè contulit illi potestatem condendi leges. Similiter Joan. 21. Christus verbis illis *Passe oves meas*, D. Petro & successoribus ejus contulit potestatem pastoralem, que est potestas regendi Ecclesiam, & condendi leges ad ejus regimen necessarias. Unde hoc veratur discrimen inter Summos Pontifices & Principes laiculares, quod isti, ut supra dicebamus, à Republica potestatem legislativam recipiunt, illi vero eam non habent ab Ecclesia, sed a Christo immediatè. Unde in cap. Novit., de judiciis, sic loquitur Pontifex de pontificia auctoritate: *Cum non humana constitutio, sed divina innaturatur; quia potestas nostra non ex homine, sed ex Deo est.*

53 Quod vero etiam apud Concilia legitime congregata residet auctoritas condendi leges Ecclesiasticas, manifestum est, quia illa Concilia representant totam Ecclesiam, in qua, ut praecedenti conclusione ostendimus, est potestas condendi leges quibus siveles obligentur. Unde in Concilio Apostolorum, quod primum omnium fuit, haec lex lata est, Act. 15. *Vt abstineatis vos a immolatis simulacrorum, & sanguine, & suffocato, & fornicatione.*

54 Episcopi etiam possunt in suis Diocesisibus quas expedire judicaverint leges condere, quae constitutiones synodales, vel statuta Episcoporum appellantur, hocque etiam extra Synodus, ut colligitur ex cap. *Si quis de majorit. & obed.* Capitula vero Ecclesiarum, licet aliqua decreta, quae & actus capitulares vocantur, efficiant, statuta tamen aut leges condere nequeunt, sine consensu aut commissione Episcopi aut Papæ. De quo vide Sylvestrum verbo *Lex*, quest. 4. Similiter Prelati Religionum habent quidem jus præcipendi, sed non leges condendi, quod tantum penes Congregationes generales, seu Capitula generalia refert.

ARTICULUS IV.

Verum promulgatio sit necessaria, & essentia legis?

§. I.

Duplici conclusione utraque difficultas resolvitur.

55 Dico primò, ut lex obliget in actu secundo, aliqualis ejus promulgatio necessario requiritur. Ita comuniter Theologi cum D. Thomas hic art. 4. ubi sic discurrit: Lex se habet per modum regulæ & mensura actuum humangrum, quam homines sequi debent, eique suas actiones conformare: Sed id præstare nequeunt, nisi eis lex innotescat, neque lex eis potest innotescere, nisi per promulgationem: Ergo ut lex obliget, aliqualis ejus promulgatio necessario requiritur.

56 Confirmatur: Lex suæ naturæ est quid dirigens & illuminans, ut constat ex dictis art. 1. At quod dominaret, & est in pectori Legislatoris.

Tom. III.

A reconditum, non potest dirigere & illuminare: Ergo lex nondum cognita non potest officium legis exercere, & obligare subditos in actu secundo. Unde leges Codice de legibus, sic dicitur: *Leges sacrasimæ, que constringunt haminum vias, intelligi ab omnibus debent.*

Confirmatur amplius, quia cum voluntas non possit ferri in incognitum, sequeretur homines obligari ad impossibile, si tenerentur legem servare ante lassitudinem illius promulgationem.

Advertendum tamen est, me ex industria in 57 conclusione dixi, ut lex obliget in actu secundo, aliqualem ejus promulgationem necessario requiri, quia promulgatio non requiritur aequaliter in omnibus legibus, sed diversimodi, juxta naturam iuslibet; nam ut omittamus legem eternam & naturam, de quibus suo loco dicimus, lex divina positiva non eget tam solemnem promulgationem, sicut lex humana; aliquando enim lex divina promulgatur sola internâ revelatione, ut multis Prophetarum contigit; aliquando per solam externam propositionem, factam a Deo, sine aliqua solemnitate, quia ratio Christus Dominus promulgavit suam legem Apostolis; aliquando vero per aliqua signa externa, cum solemnitate quadam; & hoc modo lex Mosaica promulgata fuit in monte Sina, & lex Evangelica in die Pentecostes. Lex tamē humana, semper debet promulgari per signa externa, cum aliqua solemnitate, & sic obtinuit usus tam in Republica laicali quā Ecclesiastica. Ratio vero hujus differentiae est, quia cum Deus legis divinae institutor, sit supremus Dominus simpliciter & omnib⁹ modis, potest modo quo voluerit intimare legē & obligare ad ejus observantiam homo vero qui non habet tam supremū dominium, id non potest, sed cum agat veluti duplē personā, publicam scilicet & privatam, Princeps sic debet proponere lege, ut ex modo proponendi significet se proponere illā ut Principem condēcē legem, & non ut particularē personam: hoc autem non fit nisi adhibitat aliquā solemnitatem publicā, id significante: Ergo lex humana semper promulgari debet per signa externa cum aliqua solemnitate. Utrum vero sufficiat ad hujusmodi solemnem promulgationem quod denuntietur in curia Principis, an verò requiratur quod denuntietur in singulis provinciis regni, diocesisbus, aut civitatibus, dicemus infra disp. 4. cū de lege humana agemus.

Dico secundò, promulgatio non est de essentia legis, autratio formalis illius, sed duntaxat conditio necessaria requiri, ut actualiter obliget sibi subditos. Est contra Medinam, Montezino, Vazquem, & alios, existimantes promulgationem esse de essentia legis, & rationem ejus formalem ingredi. Pro qua sententia Andreas Duvallius citat S. Thomam hic art. 4. sed immo-
rit, cum S. Doctor ibidem oppositum doceat, ut constabit ex mox dicendis.

Probatur ergo primò conclusio ex D. Thomas hic art. 4. ubi assertum est promulgationem esse applicationem legis ad illos qui per illam obligantur: Sed applicatio alicujus rei supponit rem jam constitutam in sua ratione formalis: Ergo promulgatio supponit legem jam constitutam in sua ratione formalis, & sic non est ratio formalis illius, sed duntaxat conditio necessaria requiri ut actualiter obliget.

Confirmatur: Ita se habet, ut ait S. Doctor, pro-
mulgatio legis ad legem, sicut applicatio men-

TIT. 2

59

*maret in Biblio
theat.*

suræ ad mensuratum : Sed applicatio mensuræ ad mensuratum , supponit mensuram in sua ratione formalis constitutam , ut patet inductione in omnibus mensuris : Ergo euam promulgatio legis , eam supponit in sua ratione formalis constitutam , subindeque ejus essentiam vel rationem formalem non ingreditur.

60 Probatur secundò conclusio ratione : Lex est actus prudentiae existens in Principe , ut constat ex dictis art. i. Sed tota ratio formalis hujus actus salvatur ante actualem promulgationem factam subditis : Ergo & tota essentia legis . Probatur minor : Actus prudentiae est actus intellectus practici dictantis aliquid esse faciendum : Sed ante actualem promulgationem salvatur hujusmodi dictamen : Ergo &c.

61 Probarur tertio : Lex in pectore Legislatoris recondita , nondum promulgata , apta est ad inducendam obligationem : Sed talis aptitudo sufficit ad essentiam legis , nam res per aptitudinem & actum primum , ut docent Philosophi , definitur , & non per actum secundum , qui modò est , modò vero non est : Ergo tota essentia & definitio legis salvatur , ante ipsius promulgationem.

62 Ut ista conclusio magis illustretur , & Adversariorum argumenta facilius dilui possint : Notandum primò , conditionem requisitam ad aliquam rationem formalem esse in duplo differentia . Alia enim est purè accidentalis , & merè extrinseca , quæ proinde à Deo suppleri potest , sicut approximatio agentis ad passum . Alia est intrinseca & essentialis , quæ à Deo suppleri non potest , & modus intrinsecus vocari solet , qualis est apprehensio seu cognitio in objecto voluntatis , bonum enim est ratio formalis talis objecti , apprehensio vero est conditio , adeò tamen necessaria , ut bonum non possit , etiam de potentia absoluta , terminata actu voluntatis , nisi sit apprehensum , juxta illud Augustini : *Invisa amare possumus , incognita nequaquam* . Cùm ergo dicimus in conclusione , promulgationem esse conditionem necessariam requisitam , ut lex obliget in actu secundo , loquimur de conditione hujus secundi generis , seu intrinseca & essentiali , non vero de purè extrinseca & accidentali .

63 Notandum secundò , quod sicut in calore ignis duo possumus considerare , nempe quod sit calefactivus , & quod actu calefaciat : prium autem convenienter illi essentialiter , secundum verò accidentaliter ; prium antecedenter ad actualem applicationem , secundum non nisi post illam : sicut in lege considerare possumus , & quod sit obligativa in actu primo , ut ita dicam , & quod actu alter obligeat . Primum est illi essentialis , eique convenienter actualem promulgationem , secundum accidit ei , cùm sit actus secundus respectu primi , & non convenit ei , nisi post promulgationem . Dicimus ergo in conclusione , quod sicut applicatio non est ratio formalis , neque conditio ut calor ignis sit calefactivus , bene tamen est conditio ut actu calefaciat : ita promulgatio non est ratio formalis , in modo nec conditio ut lex sit obligativa in actu primo , subindeque non ingreditur illius essentiam , sed sed totam illam supponit , sicut applicatio caloris , supponit totam essentiam caloris , est tamen conditio ut actualiter obligeat sibi subditos , cum hac differentia , quod applicatio caloris possit suppleri à Deo , quia est tantum conditio acci-

A dentalis ; promulgatio vero non potest suppleri ab illo , quia est conditio essentialiter requisita , cùm requiratur per modum propositionis objecti voluntatis , quæ cùm sit appetitus rationalis , id est sequens dictum rationis & cognitionem intellectus , non potest ferri in incognitum .

§. IO.
Solvuntur objections.

Obijcies primò contra primam conclusio-
nem : Ad revocationem legis non requiri-
tur promulgatio : Ergo nec ad ejus constitutio-
nem .

B Respondent aliqui , negando consequentiam & paritatem , quia (inquit) plura requirun-
tur ad construendum , quam ad destruendum . Sed hæc solutio displicet , nam licet ut plurimum plus requiriatur ad ædificationem , quam ad de-
structionem , hoc tamen non semper est verum , sed contingit aliquando , rotum quoq; requiri-
tur ad constitutionem , requiri ad destructionem ; maximè quando modus destructionis est ejus-
dem rationis ac modus constitutionis , ut con-
tingit quando una lex revocatur per alias . Imò
contingere potest , id quod sufficit ad constituti-
onem , non sufficere ad destruptionem , ut patet
in matrimonio , in quo consensus utriusq; con-
jugis sufficit ad constitutionem matrimonij , nō
vero ad ejus dissolutionem . Unde melius re-
spondetur , negando Antecedens , dum enim lex
non revocatur per solemnum promulgationem ,
confert moraliter perseverare cum sua prima
& legitima promulgatione , & consequenter ob-
ligare in actu secundo ; sicut dum valor monetæ
non revocatur revocatione solemni , intimata
subditis , moraliter loquendo censetur manere ,
ut constat ex usu .

Objijcies secundò contra secundam conclu-
sionem : Gratianus cap. In istis dist. 4. sic ait : *Liges
instituuntur , cùm promulgantur* : Ergo ante pro-
mulgationem non sunt , subindeque promulga-
tio pertinet ad rationem formalem eorum .

Confirmatur ex D. Thoma h[ab]it. art. 4. dicente
quod ut lex virtutem habeat obligandi , necesse
est ut promulgerit : Ergo ante promulgationem
non habet rationem formalem legis . Confe-
quentia paret , quia ad rationem formalem legis
pertinet vis ad obligandum , unde lex à ligando
dicunt , ut idem S. Doctor art. i. assertit .

Confirmatur amplius , quia in definitione legi
quam tradit S. Thomas h[ab]it. art. 4. ad calcem
corporis articoli ingreditur promulgatio , ut
constabit ex infra dicendis : Ergo illa pertinet
ad rationem formalem legis , nam definitio de-
bet explicare rationem formalem rei , sicut ex-
plicit illius essentialis .

E Ad objectionem respondeo authoritate illa
Gratiani solum probari , quod per promulgationem
solum instituuntur leges completes , tan-
quam per conditionem , quantum ad vim obli-
gandi in actu secundo , non vero tanquam per
rationem formalem & quid ditativam .

Ad primam confirmationem similiiter dicen-
dum , quod quando D. Thomas ait quod ut lex
virtutem habeat obligandi , necesse est ut pro-
mulgetur , solum intendit , legem ante promul-
gationem non habere vim obligandi in actu se-
cundo , quia promulgatio , licet non sit de essen-
tialia legis , aut ratio formalis illius , est tamen con-
ditio essentialiter requisita , ut lex actu alter obli-
get .

ger sibi subditos, ut in secunda conclusione diximus. Unde quando dicitur, quod ut lex habeat vim obligantem actu secundo, requiritur ut promulgetur, *ly ut reduplicat tantum conditionem intrinsecam, non vero rationem formalem; sicut quando dicitur quod ut bonum habeat vim movendi voluntatem in actu secundo, requiritur ut cognoscatur, illique per intellectum proponatur, particula ut exprimit solum conditionem intrinsecam, non vero rationem formalem objecti motivi voluntatis. Ex quo patet ad secundum confirmationem, in definitione enim alicius non solum potest ingredi id quod se habet ut ratio formalis, sed etiam id quod se habet per modum conditionis intrinsecæ; sic enim in definitione fidei ingreditur obscuritas, & in definitione objecti voluntatis, apprehensio intellectus. Sic ergo D. Thomas definitem legem, non solum quantum ad rationem formalis illius, sed etiam ut est in esse completo obligandi in actu secundo, posuit in ejus definitione promulgationem, qua est modus intrinsecus illius ut obligantis in actu secundo.*

67 Objetas tercio: Si promulgatio non esset de essentia legis & ratione formalis illius, sed duntaxat conditio, sequeretur quod ante promulgationem lex humana obligaret subditos, quomodocumque eis innotesceret: Sed hoc dicinequit, ut omnes fateantur: Ergo nec illud. Sequela Majoris probatur. Si promulgatio non sit de essentia legis, lex humana ante promulgationem habebit totam suam essentiam & rationem formalem: Ergo quomodocumque illa innotescat, obligabit subditos, cum vis obligandi sit inseparabilis à ratione formalis legis.

Nec valet si dicas, quod licet lex humana ante promulgationem habeat omnem suam rationem formalem, deest tamen ei applicatio, quæ sit per promulgationem, & sic non habet vim obligandi. Nam semel constitutâ lege per suam rationem formalem, sufficienter applicatur per notitiam ejus, quomodocumque habeatur, cum applicatio ad nihil aliud requiratur, nisi ut lex veniat in notitiam subditorum.

68 Respondeo, negando sequelam Majoris, & ad ejus probationem, approbo responsonem datum, & ad illius impugnationem dico, quod ut lex humana obliget in actu secundo, debet innotescere & applicari subditis, non per quamcumque notitiam, sed per notitiam legi humanae proportionatam: hæc autem solum habetur, cum Princeps illam proponit, non ut persona privata, sed ut persona publica, subindeque cum eam facit intimare cum aliqua solemnitate; unde si alio modo innotescat, illa notitia non sufficit ad obligandum.

§. III.

Corollarium præcedentis doctrine.

69 Ex dictis colligitur legem sic recte definiri à D. Thoma hic art. 4. in calce corporis articuli: *Lex est quedam rationis ordinatio ad bonum commune, ab eo qui curam communitatis habet promulgata. Quam definitionem elicit S. Doctor ex quatuor articulis hujus questionis, in quibus totam legis essentiam declarat. Nam in primo ostendit, quod sit ordinatio rationis. In secundo, quod debeat respicere bonum commune. In tertio, quod debeat ferri ab eo qui curam habet.*

Tom. III.

A communitatis. In quarto denique, quod debeat esse ab eo promulgata. Nihil vero aliud ad essentiam legis requiritur.

Occasione solutionis ad tertium, art. 4. *hujus questionis, ubi S. Doctor ait, quod promulgatio presens ad futurum extenditur per firmitatem scripture, qua quodammodo semper legem promulgat: quærunt hinc aliqui, an sit de ratione legis, quod sit scriptis mandata?*

Sed breviter respondeo negativè: Id enim constat primò ex Aristotele 10. Ethic. cap. ultimo, *Ci sic ait: Scripta ne sint, an non scripta leges, in rebus nihil videtur. Secundò ex jure civili Instit. de jure naturali, gentium, & civili, §. Sed & quod constitutum est, ubi sic dicitur: Quidcumque constituit Imperator per epistolam, vel cognoscens crevit, legem esse constat. Ubi dividit decretum à scripture, & utrumque legem esse affirmat. Tertiò ex jure Canonico: nam in cap. Consuetudo dicit, non referre quod lex scripturā an ratione constat, quoniam ratio legem commendat. Id demum variis exemplis suaderi potest: Nam in statu innocentiae præceptum de non edendo cibo vetito, quod Deus primis parentibus impoñit, scriptum non erat, ut ex capite 2. Genesis constat; & tamen illud veram rationem legis habebat, cum non tantum primos parentes, sed eorum etiam posteros, si in statu innocentiae permanissent, obligaret. Lex etiam Decalogi, qua præcepta naturalia (enim de mero) quod est de sabbato obseruando continet, & quæ propterea in lege naturæ obligabat, non fuit scriptis mandata, nisi post duorum annorum millia, nempe cum Moyses legem illam, quam in duabus tabulis lapideis, dixit Iudeus conscriperat, scriptis confignavit. Similiter lex Evangelica veram haberet rationem legis, tametsi non esset scriptis mandata, per hoc solum quod verbo tenuis esset à Christo instituta & promulgata, & in cordibus hominum, id est in eorum memoria, scripta maneret, iuxta illud Jeremia 31. *Dabo legem meam in vescibus eorum, & in cordibus eorum scribam eam.* Quod ponderans Apostolus ad Hebreos 8. & 10. afferit hanc esse prærogativam novi testamenti, ut non atramento sed spiritu in cordibus hominum scribatur. Unde ut docet D. Thomas 3. part. quest. 42. art. 4. Christus Dominus doctrinam & legem suam non scripto sed verbo tradidit, eaque multo tempore obligavit, spatio scilicet octo annorum, antequam litteris mandaretur, ut docent Theophilus & Iustinianus in præfatione in Matthæum, Irenæus lib. 3. contra hæreses cap. 1. & Chrysostomus homil. 1. in Matthæum. Denique consuetudo vim legis habet ex communi Jurisconsultorum axiomate, & tamen non solet nec debet scribi, saltem à Legislatore, alias rationem consuetudinis non haberet: Ergo non est de essentia legis, quod sit scriptis mandata.*

Verum tamen est, quod ad melius esse, & ut suavis ordo constituendi legem observetur, oportet illam scripto tradi, quia cum ex natura sua sit stabilis, immobilis, & perpetua, connaturaliter perit illumi modum ad sui consistentiam, quo melius immobilitas & perpetuitas illius conservetur, & tenacius ac firmius memoria hominum infigatur: hic autem modus est scriptura, ut de se patet, & docet S. Thomas verbis supra relatis, quibus ait quod promulgatio presens ad futurum extenditur per firmitatem scripture, qua quodammodo semper legem promulgat: Ergo &c.

tit 3. AR.